

Ո Ր Ո Շ ՈՒ Մ

Վարչական բողոքը մասնակի բավարարելու, Ճանապարհային ոստիկանության վարչական տույժ նշանակելու մասին 13.06.2018թ. թիվ 1808130518 որոշումը բեկանելու, իսկ 13.06.2018թ. թիվ 1808130511 որոշումն անփոփոխ թողնելու մասին

<<26>> 06 2018թ. 17-13-71531-18/17-13-3047

ք.Երևան

ՀՀ ոստիկանության ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Գագիկ Վարդանյանի դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Երևան քաղաքի Զուլայի փողոցի 5 շենքի 37 բնակարանի բնակիչ Գագիկ Վարդանյանը դիմումով խնդրել է բեկանել Ճանապարհային ոստիկանության վարչական տույժ նշանակելու մասին 13.06.2018թ. թիվ 1808130518 և 13.06.2018թ. թիվ 1808130511 որոշումներից մեկը՝ նշելով, որ դրանք կայացվել են միևնույն իրավախախտման համար:

Դիմումի քննարկման արդյունքում պարզվել է, որ Երևան քաղաքի Վ.Համբարձումյան – Երզնկյան - Բաղրամյան փողոցների խաչմերուկի հատվածում ճանապարհային երթևեկության կանոնները խախտելու համար դիմումատուին վարչական պատասխանատվության ենթարկելու մասին 13.06.2018թ. թիվ 1808130518 որոշումը տեխնիկական վրիպակի արդյունք է, հետևաբար ենթակա է բեկանման:

Ելնելով վերոգրյալից, ղեկավարվելով <<Վարչարարության հիմունքների և վարչական վարույթի մասին>> ՀՀ օրենքի 63-րդ հոդվածի 1-ին մասի <<ա>> կետով և Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 13.06.2018թ. թիվ 1808130518 որոշումը բեկանել և վարչական իրավախախտման վերաբերյալ գործը կարճել:
2. Ճանապարհային ոստիկանության վարչական տույժ նշանակելու մասին 13.06.2018թ. թիվ 1808130511 որոշումը թողնել անփոփոխ, իսկ վարչական բողոքը՝ դրան վերաբերող մասով, առանց բավարարման:
3. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան՝ օրենքով սահմանված կարգով և ժամկետներում:
4. Սույն որոշման օրինակն ուղարկել Գագիկ Վարդանյանին:

